

槐軒入門二書



浩蕩乾坤一老
刑神不逐秋風
携六經訂正付
兒曹孔孟而後
知心少
此唐書四卷八十
有八圖中幼子
六七八兒也咸至
五年九月吉日

目錄

下學梯航 一

下學梯航敘 一

下學梯航 二

天理良心 二

一、靜存 二

二、動察 三

三、師授 三

四、改過 四

五、篤行 五

孔子四言 六

槐軒入門二書

目錄

非禮勿視 六

非禮勿聽 六

非禮勿言 六

非禮勿動 七

關夫子四言 七

太上感應篇 八

文昌帝君陰騭文 一

關聖帝君覺世真經 二

文昌帝君蕉窗十則 四

一、戒淫行 四

二、戒惡意 四

三、戒口過 一四

四、戒曠功 一四

五、戒廢字 一四

六、敦人倫 一四

八、立人品 一五

九、慎交遊 一五

十、廣教化 一五

朱柏廬先生治家格言 一六

學聖人局量 一八

大慈悲心 一八

大廣大心 一八

槐軒入門二書

目錄

大方便心 一八

大清淨心 一九

大柔和心 二〇

豫誠堂家訓 二二

易知錄 二四

易知錄序 二四

易知錄後序 二六

文昌帝君功過格 二八

倫常第一 二八

父母 二八

兄弟 三〇

妻妾 三一

子侄 三三

宗親 三四

師友 三五

僕婢 三七

敬慎第二 三八

存心 三八

應事 三九

慎言 四一

事神聖 四二

節忍第三 四三

槐軒入門二書

目錄

三

氣性 四三

衣食 四五

財貨 四六

美色 四八

仁愛第四 四八

人類 四八

物類 五三

勸化第五 五四

善類 五四

惡類 五五

文學第六 五七

下學梯航

清劉止唐先生撰

下學梯航敘

道猶路也，止此一理，天地人神所共由，故曰道。人之異於禽獸者幾希，天理而已。全之則人，無之則物。存幾希者皆聖人，則聖人亦祇全乎所以爲人焉爾。孔子曰：人者，天地之心，困勉成功則一。孟子曰：人皆可以爲堯舜。未嘗謂道必擇人而爲。卽德至聖人，亦生人之恆事，礪溪釣叟，版築傭工，卽終於匹夫，豈非聖賢？前人誤解大德受命，致人不敢爲聖，其將安於下愚而後可。夫聖人者，人倫之至耳。人不能外五倫而

槐軒入門二書

下學梯航

一

生，安得不師聖人之敦倫？今聖人在上，百度維新，陶淑天下，無非欲其不愧爲人，而憚於自修，甘於暴棄，則以言聖人者多失之太高，不知聖與人同，但力行中庸之道也。中庸之道，至平至常，亦至神至奇，惟其神奇卽在平常之中，所以爲中庸。愚老矣，及門多有問難者，酬答維艱，不得已命兒子松文、椅文等，書愚管見，以告來者。一家之私言，垂老之愚見，不堪爲君子告也。聊代芻蕘，原其心而恕其妄，幸甚！幸甚！

道光三十年歲在庚戌重九日雙流止唐劉沅書時年八十有三

下學梯航

天理良心

天之理而人得之以爲心之良，卽所云天命之謂性也。性字從心從生，是人得天中正之心。天之理卽天之心，太極也，誠也，人得此理爲性，萬物皆天所生，而人獨得天中正之理，故曰德。未生以前得諸天者曰明德，旣生以後七情擾而嗜慾紛，非復受中之本然矣。復性而全其所得之理，亦曰德，以其爲天地生生之本，於人爲萬理從出之原，如木果之有仁，故曰仁。誠者實有此理，乃實可以爲人也。道如大路，人所共由，故天理良心，人人所有。聖人止是全此四字，遂與槐軒入門二書

下學梯航

二

天通本四字而行之，則合天理矣。但恐其或過或不
及，節之文之曰禮，無過無不及，行之恰得其宜曰義，
智者知之真，信者行之誠且久，故五常止此天理良
心四字。天理良心，人人知之，不能行之。豈無良哉？父
師之教不端，見聞習染誤之也。今撮其存天理之意
於左：

一、靜存

心浮也，而使之沈；心顯也，而使之潛。沉潛二字，卽收
心之法也。中庸曰：潛雖伏矣，亦孔之昭。君子之所不
可及者，人所不見。人所不見之地，非宥密乎？洗心退
藏於密，知止而後有定矣。孔子曰：爲仁，孟子曰：養氣，

存心養性，大學止至善也，中庸致中也，皆在其中。蓋靜者，動之本，靜而後知其動，致中乃能致和。不然，出入無時，莫知其鄉，心放而不知，卽克治亦不能強制也。易曰：憧憧往來，朋從爾思。凡人後天之心皆如是。存其有覺之心，養其虛靜之性。非如但養知覺之心者比，愚屢言之矣。

二、動察

心不可見也，動而著於言行，乃有是非。其是者美矣，其非者卽所謂惡。惡著於外，其惡易知；惡藏於心，其惡更甚。故崇德必先修慝。一念之起而是焉，擴充之可也；一念之起而非，必克治之於其幾之動，而卽自

槐軒入門二書

下學梯航

三

覺之，自禁之，不可使其卽逝，大學所謂誠意也。然孰是孰非，不先知之，何以能誠意？朱子所以補格物，而特所謂物者，浩無涯涘，則非聖人之本旨也。孔子曰：「不明乎善，不誠乎身。」欲誠其意，先致其知。致知之道如左。

三、師授

上二條靜存動察，先儒亦言之行之，而惜所謂靜者，存有覺之心而已，不知聖人洗心宥密之實，所謂動察者，研窮事物之理而已，不知理以心性五倫爲要。天下之物，不可勝窮，天下之事，亦安能皆知？聖人以貫之，祇是內養其心者極熟，念念無非天理，所謂

仁也。外察於理者至精，事事皆合其宜，所謂義也。仁熟然後義精，義精必由仁熟。養浩然之氣，由有諸己而充實，漸至化神，非明師不授，非恆誠不幾。知者知其理，踐其功，所謂明善者，明此而已。明乎一念之非，而百爲皆謬，則邪妄雜念所必芟，明乎一動之非，而倫理不洽，則仁敬孝慈所必踐。凡人莫不有天良，爲惡之人，其始不過一念之非，一事之失，因無賢親師爲之作則，爲之詔示，故習慣而馳。故靜存動察之功，有明師指授，則是非得失，觀感熏陶，卽易明白。況四子六經，昭昭人寰，聖世規模，炳炳垂訓，熟而玩之，力而行之，有何不可入德。若夫廣見聞，慎交遊，亦致知

槐軒入門二書

下學梯航

四

之要者，而要無非擇別善惡二字。見賢思齊，見不賢內省，三人行必有師。實踐夫子二章之言，則致知易矣。外此名物象數、技藝百家，有益於心性倫常者取之，否則棄之。夫子所以言學問思辨，有弗學問思辨者，致知不外此四端，非教人盡天下之物知之。奈何不爲其易，而爲其難哉。

四、改過

人孰無過。但恐安而就之，愧而匿之，則過遂成惡。過出無心，改之卽爲無過，固不待言。卽有心之惡，苟豁然醒悟，翻然自責，毅然不再犯，更久久積善，亦可晚蓋矣。常人惟恐人知己過，是以憚於改之，不知聖人

所以爲聖人，止是日日改過而已。孔子假年學易，始無大過，何況凡人？成湯萬方有罪，在予一人；武王百姓有過，在予一人。天下之過，且引爲己過，而以身之過爲諱乎？若不改過，便無學聖根基。戒之！戒之！

五、篤行

夫子言以三達德，行五達道，其學之之目，學問思辨篤行。學問思辨，所以致知；篤行，所以行也。而又曰有弗學云云，以有所弗爲者多，蓋事物不勝窮，惟切於倫常日用者爲要，不可不以五者勉之耳。篤之一字，該宏毅二字在內。曾子曰：士不可以不宏毅，爲其任重而道遠。任何以重曰仁，道何以遠曰死。自俗人觀

槐軒入門二書

下學梯航

五

之，鮮不以爲迂矣。不知仁者天理，外天理卽非人。不爲仁將不願爲人乎？但爲仁之功，非朝夕可了，亦無一息可懈，故須宏毅。宏毅卽篤之謂也。人生所以適意者，不過宮室、衣服、飲食、男女四事，聖人亦不離此，而以理節情，不恣嗜欲，久久習爲固然，則上承宗廟，下教子孫，不負天地君親生成之念，內而存養，去人見天，外而省察，改過遷善，至死不渝，斯德成名立矣。達則伊周，窮則孔孟，是爲天地間不可少之人。若不自貴其身，而縱其情欲，外於禮義，富貴亦不過豢養形骸，貧賤更形同草木。孟子曰：舍正路而弗由，放其心而不知求，哀哉！所以哀者，不可不知也。夫人生不

過宮室、衣食、男女，而仁聖賢人，天必福之，安有飢寒困苦而死者。夷齊之餓，忠孝節義之捐軀，仁也、義也。全而受者全而歸，與天地日月同休，不爲凶禍，然亦不幸遭遇之窮耳，豈仁聖必如此哉。此義不明，將藉爲口實，曰爲善無益，辨之、慎之。

以上五條，大要已得，惟致知一事，頗難枚舉。四子六經，義精而文繁，史傳群書，博雜而難辨。今就世俗共知之言列後，勿以爲誕妄庸庸，是者行之，非者革之，卽可以進德矣。

槐軒入門二書

下學梯航

六

孔子四言

非禮勿視

心之精神全在於目，目所視而心卽馳，正則天理，邪則禽獸。色慾一事，少年尤易入邪。於美色而視若姊妹，於邪物而視如豺虎，此求放心第一要功。

非禮勿聽

耳通性海，入於耳而亂於心，邪思妄想以成，不待言矣。自天子至庶人，不明義理，爲讒邪敗德致禍者尤眾，故當切戒。

非禮勿言

言以達其心。凡五倫浹洽，必由恩誼周到，力行仁義，

豈不賴言宣暢諧和之。至於闡道德，述聖謨，解爭訟，需言之事尤多。但必平日素有修身之學，燭理之明，始能隨事告語，曲盡其義。常人任心而談，不知返己自課，不特妄言惡言，敗傷倫類者不足觀，卽自負才能，言行不相顧，亦可羞忤。故夫子屢屢教人慎言，大抵多言不如少言，有言不如無言。非其人而言，非其禮而言，不自責而言，皆非也。

非禮勿動

動兼內外而言。外而一動一靜，必準乎理，內而一念之非，必除其根，乃是。

槐軒入門二書

下學梯航

七

關夫子四言

存好心，行好事，說好話，交好人。

心之所存，見於事與言，而必先自其存心慎之，兼上文動靜之功在內。好話必以聖言爲師，好人則節取之，全取之，該親師取友，三人行章義在內。

太上感應篇

太上曰：禍福無門，惟人自召；善惡之報，如影隨形。是以天地有司過之神，依人所犯輕重，以奪人算。算減則貧耗，多逢憂患；人皆惡之，刑禍隨之；吉慶避之，惡星災之，算盡則死。又有三台北斗神君，在人頭上，錄人罪惡，奪其紀算。又有三尸神，在人身中，每到庚申日，輒上詣天曹，言人罪過。月晦之日，竈神亦然。凡人有過，大則奪紀，小則奪算。其過大小，有數百事，欲求長生者，先須避之。是道則進，非道則退。不履邪徑，不欺暗室，積德累功，慈心於物，忠孝友悌，正己化人，矜孤恤寡，敬老懷幼，昆蟲草木，猶不可傷。宜憫人之

槐軒入門二書

下學梯航

八

凶，樂人之善，濟人之急，救人之危。見人之得，如己之得；見人之失，如己之失。不彰人短，不炫己長，遏惡揚善，推多取少。受辱不怨，受寵若驚；施恩不求報，與人
不追悔。所謂善人，人皆敬之，天道祐之，福祿隨之，眾邪遠之，神靈衛之，所作必成，神僊可冀。欲求天仙者，當立一千三百善；欲求地仙者，當立三百善。苟或非義而動，背理而行，以惡爲能，忍作殘害；陰賊良善，暗侮君親，慢其先生，叛其所事；誑諸無識，謗諸同學；虛誣詐僞，攻訐宗親，剛強不仁，狠戾自用；是非不當，向背乖宜；虐下取功，諂上希旨；受恩不感，念怨不休；輕蔑天民，擾亂國政；賞及非義，刑及無辜；殺人取財，傾

人取位，誅降戮服，貶正排賢，凌孤逼寡，棄法受賂，以直爲曲，以曲爲直，入輕爲重，見殺加怒，知過不改，知善不爲，自罪引他，壅塞方術，訕謗聖賢，侵凌道德，射飛逐走，發蟄驚棲，填穴覆巢，傷胎破卵，願人有失，毀人成功，危人自安，減人自益，以惡易好，以私廢公，竊人之能，蔽人之善，形人之醜，訐人之私，耗人貨財，離人骨肉，侵人所愛，助人爲非，逞志作威，辱人求勝，敗人苗稼，破人婚姻，苟富而驕，苟免無恥，認恩推過，嫁禍賣惡，沽買虛譽，包貯險心，挫人所長，護己所短，乘威迫脅，縱暴殺傷，無故剪裁，非禮烹宰，散棄五穀，勞擾眾生，破人之家，取其財寶，決水放火，以害民居，紊

槐軒入門二書

下學梯航

九

亂規模，以敗人功，損人器物，以窮人用。見他榮貴，願他流貶；見他富有，願他破散；見他色美，起心私之；負他貨財，願他身死；干求不遂，便生咒恨；見他失便，便說他過；見他體相不具而笑之，見他才能可稱而抑之。埋蠱厭人，用藥殺樹；恚怒師傅，抵觸父兄；強取強求，好侵好奪；擄掠致富，巧詐求遷；賞罰不平，逸樂過節；苛虐其下，恐嚇於他；怨天尤人，訶風罵雨；鬪合爭訟，妄逐朋黨；用妻妾語，違父母訓；得新忘故，口是心非；貪冒於財，欺罔其上；造作惡語，讒毀平人；毀人稱直，罵神稱正；棄順效逆，背親向疏；指天地以證鄙懷，引神明而鑑猥事。施與後悔，假借不還；分外營求，力

上施設，淫慾過度，心毒貌慈，穢食餒人，左道惑眾，短尺狹度，輕秤小升，以偽雜真，採取奸利，壓良爲賤，謾薦愚人，貪婪無厭，咒詛求直，嗜酒悖亂，骨肉忿爭，男不忠良，女不柔順，不和其室，不敬其夫，每好矜誇，常行妒忌，無行於妻子，失禮於舅姑，輕慢先靈，違逆上命，作爲無益，懷挾外心，自咒咒他，偏憎偏愛，越井越竈，跳食跳人，損子墮胎，行多隱僻，晦臘歌舞，朔旦號怒，對北涕唾及溺，對竈吟詠及哭，又以竈火燒香，穢柴作食，夜起裸露，八節行刑，唾流星，指虹霓，輒指三光，久視日月，春月燎獵，對北惡罵，無故殺龜打蛇，如是等罪，司命隨其輕重，奪其紀算，算盡則死，死有餘

槐軒入門二書

下學梯航

一〇

責，乃殃及子孫。又諸橫取人財者，乃計其妻子家口以當之，漸至死喪。若不死喪，則有水火盜賊、遺亡器物、疾病口舌諸事，以當妄取之值。又枉殺人者，是易刀兵而相殺也。取非義之財者，譬如漏脯救饑，鴆酒止渴，非不暫飽，死亦及之。夫心起於善，善雖未爲，而吉神已隨之；或心起於惡，惡雖未爲，而凶神已隨之。其有曾行惡事，後自改悔，諸惡莫作，眾善奉行，久久必獲吉慶，所謂轉禍爲福也。故吉人語善、視善、行善，一日有三善，三年天必降之福；凶人語惡、視惡、行惡，一日有三惡，三年天必降之禍。胡不勉而行之。

文昌帝君陰騭文

帝君曰：吾一十七世爲士大夫身，未嘗虐民酷吏。濟人之難，救人之急，憫人之孤，容人之過。廣行陰騭，上格蒼穹。人能如我存心，天必賜汝以福。

於是訓於人曰：昔于公治獄，大興駟馬之門；竇氏濟人，高折五枝之桂。救蟻中狀元之選，埋蛇享宰相之榮。欲廣福田，須憑心地。行時時之方便，作種種之陰功。利物利人，修善修福。正直代天行化，慈祥爲國救民。忠主孝親，敬兄信友。或奉真朝斗，或拜佛唸經，報答四恩，廣行三教。濟急如濟涸轍之魚，救危如救密羅之雀。矜孤恤寡，敬老憐貧。措衣食周道路之飢寒，

槐軒入門二書

下學梯航

一一

施棺槨免屍骸之暴露。家富提攜親戚，歲饑賑濟鄰朋。斗秤須要公平，不可輕出重入。奴僕待之寬恕，豈宜備責苛求。印造經文，創修寺院。捨藥材以拯疾苦，施茶水以解渴煩。或買物而放生，或持齋而戒殺。舉步常看蟲蟻，禁火莫燒山林。點夜鐙以照人行，造河船以濟人渡。勿登山而網禽鳥，勿臨水而毒魚蝦。勿宰耕牛，勿棄字紙。勿謀人之財產，勿妒人之技能。勿淫人之妻女，勿唆人之爭訟，勿壞人之名利，勿破人之婚姻。勿因私讎，使人之兄弟不和，勿因小利，使人之父子不睦，勿倚權勢而辱善良，勿恃富豪而欺窮困。善人則親近之，助德行於身心；惡人則遠避之，杜災

殃於眉睫。常須隱惡揚善，不可口是心非。翦礙道之
荆榛，除當途之瓦石。修數百年崎嶇之路，造千萬人
來往之橋。垂訓以格人非，捐貲以成人美。作事須循
天理，出言要順人心。見先哲於羹牆，慎獨知於衾影。
諸惡莫作，眾善奉行。永無惡曜加臨，常有吉神擁護。
近報則在自己，遠報則在兒孫。百福駢臻，千祥雲集，
豈不從陰鷲中得來者哉。

槐軒入門二書

下學梯航

一二

關聖帝君覺世真經

敬天地，禮神明，奉祖先，孝雙親，守王法，重師尊，愛兄
弟，信朋友，睦宗族，和鄉鄰，別夫婦，教子孫。時行方便，
廣積陰功，救難濟急，恤孤憐貧，創修廟宇，印造經文，
捨藥施茶，戒殺放生，造橋修路，矜寡拔困，重粟惜福，
排難解紛，捐貲成美，垂訓教人，冤讎解釋，斗秤公平，
親近有德，遠避凶人，隱惡揚善，利物救民，回心向道，
改過自新，滿腔仁慈，惡念不存，一切善事，信心奉行，
人雖不見，神已早聞，加福增壽，添子益孫，災消病滅，
禍患不侵，人物咸寧，吉星照臨。若存惡心，不行善事，
淫人妻女，破人婚姻，壞人名節，妒人技能，謀人財產，

唆人爭訟，損人利己，肥家潤身，恨天怨地，罵雨訶風，
謗聖毀賢，滅像欺神，宰殺牛犬，穢溺字紙，恃勢辱善，
倚富壓貧，離人骨肉，閒人兄弟，不信正道，姦盜邪行，
好尚奢詐，不重儉勤，輕棄五穀，不報有恩，瞞心昧己，
大斗小秤，假立邪教，引誘愚人，託說昇天，斂物行淫，
明瞞暗騙，橫言曲語，白口咒詛，背地謀害，不存天理，
不順人心，不信報應，引人作惡，不修片善，行諸惡事，
官詞口舌，水火盜賊，惡毒瘟疫，生敗產蠹，殺身亡家，
男盜女淫，近報在身，遠報子孫，神明鑑察，毫髮不紊，
善惡兩途，禍福攸分。行善福報，作惡禍臨。我作斯語，
願人奉行。言雖淺近，大益身心。戲侮吾言，斬首分形。

槐軒入門二書

下學梯航

一三

有能持誦，消凶聚慶。求子得子，求壽得壽。富貴功名，
皆能有成。凡有所祈，如意而獲。萬禍雪消，百福駢臻，
千祥雲集。諸如此福，惟善可致。吾本無私，惟佑善人，
眾善奉行，毋怠厥志。

文昌帝君蕉窗十則

一、戒淫行

未見不可思，當見不可亂，既見不可憶。於處女、寡婦、尼僧尤宜慎。

二、戒惡意

勿藏險心，勿動妄想，勿記讎不釋，勿見利而謀，勿見才而嫉。貌慈心狠者尤宜慎。

三、戒口過

勿談閨閫，勿訐陰私，勿揚人短，勿設雌黃，勿造歌謠，勿毀聖賢。於尊親死亡者尤宜慎。

四、戒曠功

槐軒入門二書

下學梯航

一四

勿早眠遲起，勿舍己芸人，勿爲財奔馳，勿學爲無益，勿見異思遷。身在心馳者尤宜慎。

五、戒廢字

勿以舊書裹物糊窗，勿以廢文燒茶拭桌，勿塗抹好書，勿濫寫門壁，勿嚼詩稿，勿擲文尾。於途閒穢中尤宜慎。

六、敦人倫

父子主恩，尤當喻之以義。君臣主敬，尤當引之以道。兄弟相愛，尤當勉之以正。朋友有信，尤當勸之有成。夫婦相和，尤當敬而有別。

七、淨心地

玩古訓以懲心，坐靜室以收心，寡酒色以清心，卻私欲以養心。尤當悟至理以明心。

八、立人品

敏事慎言，志高身下，膽大心小，救今從古，棄邪歸正，思君子之九思，畏聖人之三畏。尤當不卹人言，以成人之美。

九、慎交遊

始終不怠，內外如一，貴賤不二，死生不異，功過相規，化夷惠而師仲尼，絕姦狂而交中正。尤當立身爲萬世法。

十、廣教化

槐軒入門二書

下學梯航

一五

遇上等人說性理，遇平等人說因果。多刻善書，多講善行。尤當攻邪崇正以衛吾道。

朱柏廬先生治家格言

黎明卽起，洒掃庭除，要內外整潔。旣昏便息，關鎖門戶，必親自檢點。一粥一飯，當思來處不易；半絲半縷，恆念物力維艱。宜未雨而綢繆，勿臨渴而掘井。自奉必須儉約，宴客切勿留連。器具質而潔，瓦缶勝金玉；飲食約而精，園蔬愈珍饈。勿營華屋，勿謀良田。三姑六婆，實淫盜之媒；婢美妾嬌，非閨房之福。童僕勿用俊美，妻妾切忌艷妝。祖宗雖遠，祭祀不可不誠；子孫雖愚，經書不可不讀。居家務期質樸，教子要有義方。勿貪意外之財，勿飲過量之酒。與肩挑貿易，勿占便宜。見窮苦親鄰，須多溫卹。刻薄成家，理無久享；倫常

槐軒入門二書

下學梯航

一六

乖舛，立見消亡。兄弟叔姪，須分多潤寡；長幼內外，宜法肅詞嚴。聽婦言，乖骨肉，豈是丈夫；重貲財，薄父母，不成人子。嫁女擇佳婿，毋索重聘；娶媳求淑女，勿計厚奩。見富貴而生諂容者，最可恥；遇貧窮而作驕態者，賤莫甚。居家戒爭訟，訟則終凶；處世戒多言，言多必失。毋恃勢力，而凌逼孤寡；勿貪口腹，而恣殺生靈。乖僻自是，悔誤必多；頹惰自甘，家道難成。狎昵惡少，久必受其累；屈志老成，急則可相依。輕聽發言，安知非人之譖訴；當忍耐三思；因事相爭，焉知非我之不是；須憑心暗想。施惠無念，受恩莫忘。凡事當留餘地，得意不宜再往。人有喜慶，不可生妒忌心；人有禍患，

不可生欣幸心。善欲人見，不是真善；惡恐人知，便是大惡。見色而起淫心，報在妻女；匿怨而用暗箭，禍延子孫。家門和順，雖饑飧不繼，亦有餘歡；國課早完，卽囊橐無餘，自得至樂。讀書志在聖賢，爲官心存君國。守分安命，順時聽天。爲人若此，庶乎近焉。

以上五者，世俗所常見常誦，且易明白。學識淺者，時時熟誦力行，卽可入於聖賢之路；卽明智之士，貫串百家，雄才絕學，亦必抑然自下，將此書所言，一一返身而求，思其是非，遷善改過，果能有得無失，始可以成己而成人，毋忽視也。愚

老憊，爲及門與兒輩言之，省口舌之勞，非敢自炫。明者其諒之、恕之。

學聖人局量

大慈悲心

慈悲，仁也。仁，人心也。天理良心也。凡人必有仁，然後念念事事，惟恐不知人好歹；一言一動，惟恐得罪於人。至於忠孝友悌，大倫所在，其不忍一念相欺，不敢一念怠肆，更無待言矣。仁也而曰大慈悲者，由一念以及於念念，由一事以及於事事，俱是此不忍人之心。所謂昆蟲草木不可傷，盡其性以盡人性物性，參贊化育，皆以此爲根本。

大廣大心

廣大，謂度量也。古人云：有大量者，始有大福。量小者，

槐軒入門二書

下學梯航

一八

居心狹隘，見理不明，氣質剛躁，止知有己，不知有人，止徒利己，不顧損人，自恃而不服善，自私而不諒人，自小而不容人。能有度量，必自平日反躬自責之人，一言一行，惟恐不合乎理，損傷於人，刻刻檢點自己，不是，雖外人怒我詈我，十分虧我，多不理他，止是自己反躬自問，問心無愧了，任他無理相加，都全然不理。至於君父大倫所在，以及兄弟朋友，犯而不校，更不待言矣。

大方便心

方便者何？敏於事也，勇於義也。人世相與同居同遊，同往來晉接，無非五倫中人。五倫中人，有尊卑大小，

貴賤親疏、賢否遠近之不同。如君父母，至尊至親，竭誠竭力，敬慎服事。君親而賢，能象其賢；君親而不賢，匡救諭諫，能幹其盡，做得十分周到，至使其君親爲聖人，忠孝事業，做到無古無今，此臣子分內之事，不足爲功。凡事君事親，十分周到，不得言方便也。此外弟兄朋友，其中親疏厚薄，賢愚是非，斷不能一同而視，事兄愛弟信友，先自家各盡其道，愛之敬之，不欺不苟，久久不變，不管他說我是非，我止盡其心，盡其道，求無愧於我心。若他有事，止要不悖義理，則真心代勞，盡心盡力，委曲成全好事，此便是方便之道也。但事有難易，境有豐嗇，時勢有常變順逆不同，雖當

槐軒入門二書

下學梯航

一九

方便，也要斟酌義理情事，必不可一概冒昧而行。至於從井救人，危身辱親尤非。所以古人云：力量做得來的，盡其力量；力量做不來的，亦必用心周到。此所言者，謂事情大理所關也。若夫平日檢身修德，一言一行，一步一趨，隨身方便，其事難以枚舉，其功亦簡而易行。止要肯留心，不怠不肆，便可處處方便。如行路見一木一石礙腳，恐妨人行，去之；飢寒困苦，一切不佳之事，惟恐人有，飽煖安全，得意之事，惟恐人不知。周全一日之內，斗室之間，無處不可方便。此兩字實心奉行，仁義二字，都在其中矣。

大清淨心

如何清淨。見財不貪，見色不愛，一念一事，不縱情悖理皆是。止知安分守己，勤職業，修心術，念人生萬事，總由天命。天之愛人者，止此天理良心。我念念不失天理良心，事事體貼而行，無論德行道藝，擇一合義理者爲之。如耕讀商賈，專心學習此藝，勤而不懈，儉而不奢，廉而不貪，專而不分，又念念檢點，不肯一毫虧損天良。如此無論何事，俱可以謀生度日，此卽俗所謂靠天而行也。人心妄想無窮，不可任心行事。止要一生不受饑寒，仰事俯畜，可以粗足，便是第一美景了。至於富貴榮華之人，彼有積累善德，上天方纔賜之福祿，我無他積累，如何妄想與他一般。果然存

槐軒入門二書

下學梯航

二〇

心恬退，時時芟除妄想，則久久習爲固然，無論貧賤困苦，都安心住下去了，此乃尋常人刻持私心，勉強學爲清淨之法。若夫讀書明理之人，能存心養性，履仁蹈義，內而涵養有功，久久鄙俗之見自消，外而動循禮義，久久美惡之情渾忘，則必有靜存動察，始終本末之功。聖人非道非義，一介不取予，萬鍾千駟弗視，由斯道也。此清淨二字，上之則希聖希賢，敝屣天下，中之則有守有爲，行藏不苟，下之亦雲水心情，無處不可自適。是在人自爲之，而自勉之耳。

大柔和心

和者，恩誼浹洽之謂也。以其上而言，修於身者，喜怒

哀樂皆中節，是天下之達道也。措諸世者，天下中國如一人，是覆載之宏深也。此和之至者，非聖人不能。以其次而言，五倫之內，各盡其道，各得其所，恩明誼美，情義不相乖離，此和之切要不可無，亦人之所當盡者。再次則不忍爲不仁，不敢爲不義，小心敬慎，平心靜氣，惟恐傷人，惟恐僨事，惟恐取禍，謙虛忍讓，縱有大不平、大不堪之事，大可恨、大可誅之人，也置之不問，將自家好勝、好強、剛躁之氣，極力柔服下來，故曰柔和也。寬柔以教，不報無道，君子居之，此之謂也。不然，柔之一字，乃不好字面，善柔也、柔奸也、柔弱也、柔佞也、柔靡也，安得而爲之？凡人不能忍辱謙讓，俱是血氣剛強，心情躁暴所致，故柔其氣以從理，和其情以同物，然後倫誼可以浹洽，動履可以無災。

槐軒入門二書

下學梯航

二一

右五言，本佛道書中語，而其義理，實與聖人之道無殊。聖人言行，不外乎此，卽四子六經，名賢議論，亦不外乎此。但世人忽而置之，迂而笑之，甚且以爲異端而闢之，是以學聖學賢，無從入手。愚嘗舉以訓門人，謂此五言，乃學聖之局量，必先有此五言心思，實行五言義理，然後可以希賢希聖而希天，惜乎遵行者罕。今老矣，不得已書示兒曹，以爲一家之授受云爾。

豫誠堂家訓

天理良心，人之所以爲人，寬仁厚德，覆載所以長久。昧良悖理，不得爲人，褊心小量，安能合天。得天理以爲人，天地故爲父母，父母纔有我身，父母故同天地。欺堂上父母易，欺頭上父母難。一念欺天，卽爲不孝；一念欺親，得罪於天。修道以諭親，尊父母如天地也；盡性而參讚，事天地如父母也。孝在修德，德在修心。移孝可以作忠，祇爲不欺不肆，靜存始能動察，必須無怠無荒。犯了邪淫，便是禽獸；喜歡勢利，定成鄙夫。保養作善，卽守身誠身之義；知非改過，爲希賢希聖之門。人生如夢，修善修福方長，大道難逢，父教師教

槐軒入門二書

下學梯航

二二

爲本。自心抱愧，說甚夫綱父綱，作事不真，怎樣爲臣爲子。治天下無多術，養教周全，學聖賢有何難，恕道便好。勤職業，修心術，何患飢寒。貪財色，亂人倫，必戕身命。弟兄以仁讓爲主，正家以夫婦爲先。飽煖平安，是爲清福；溫良恭儉，到處春風。讀書要讀好書，凡事必宗孔孟，作人要作好人，時刻敬畏神天。善爲兒孫積財，不如積德；多行巧詐害己，安能害人。先代格言甚多，在乎身體，聖人事業何在。必先正心。私欲去而聰明始開，致知故先格物，念頭好而是非分明，實踐乃爲誠意。養心養氣，小效亦可延年，成己成人，功夫全在大學。道須深造，功在返求。在上不正其趨，人才

從何而出。倫常本於心性，故曰一以貫之。學業驚於浮華，所以萬事墮矣！戒之勉之，庶乎不替祖訓。

下學梯航一書，先君子以爲同人修身之助，義備四子之精，甚爲簡要。但其中有道家言，如感應篇，恐未明三教同源者，妄加訾議。因細撿庭訓，得此五言，顏曰學聖局量，實與相發明。所謂慈悲等心，卽仁義忠恕，又欲立立人，欲達達人，卽方便也。又家訓一篇，尋常語已選入，其義與柏廬先生語合，而行之方爲完美。望敦行者實體諸身，幸勿歧而視知而不務之也！因並附刊於後。

槐軒入門二書

下學梯航

二三

癸丑嘉平男楨文

易知錄

易知錄序

蘭臺石室，乾坤有秘奧之圖書；孔鼎湯盤，聖賢無新奇之事業。況乃玉虹垂戶，緣至德以呈祥；絲竹傳音，爲遺經而啟瑞。故知彝倫攸敘，乃成經世之文章。苟其節義乖違，無取欺人之學術。文昌功過格者，先哲之緒言；後賢之軌範也。夫其寸積銖求，較量休咎，規行矩步，區別貞邪，似未免謀道而復計功，或反將疑今而亦戾古。然而墨悲絲染，慨世路之蒼黃；孔重蘭言，謂同心之臭味。誠身心先明善，格物始能致知。苟涇渭之分流，自聖狂之異轍。方今群才蔚起，聖主當

槐軒入門三書

易知錄

二四

陽鳳翥龍翔，人盡驤於雲表；鸞停鵠峙，士爭奮其羽儀。蕩平，正直之咸遵；詭誕，奇邪之奚事。而或蓬心自小，塗樗不列大匠之門；管見長封，蛙鼓欲亂驚雷之聽。六籍既同，糟粕群生，曷樹典型？入道無方，斯文喪矣。昔者，濂溪周子曾稱此格之良亦越，希文秀才尤體是書之訓。我輩生同秋草，待膏露以敷榮，卽今世際春臺，忍蚯蚓之自蟄，爰鐫短本，布告同人，藉作箴銘，引爲師表，極知林禰嵩嶽，本無濟於高深，或者曝獻寒庭，亦有功於義曜。琅環歷徧，無非忠臣孝子之藏，宛委窮探，豈有悖道傷倫之術。以此書爲圭臬，實修士之韋弦。若乃鄙老生之常談，等邯鄲而學步，謂

予不信，請爲誦反韓復孟之書。今茲未能，勿浪議學海經神之製。

廣都劉沅謹序

槐軒入門三書

易知錄

二五

易知錄後序

天下古今，人情事變，豈有窮哉！而聖人一以貫之者，何也？天命之謂性，性著於事物而爲道，道備於人身而爲德。德之至者，無待乎思勉之勞，而自然協矩。其次則必由復性之功，以循序而漸進。克己復禮，其原也。學問思辨篤行，其目也。顧去聖久遠，凡禮樂之範圍乎此身者，旣莫得其規模，而世俗之緣，所以擾累乎此心者無盡，故人禽幾希之界能辨而守之者寡矣。功過格一書，其由來不可考。周濂溪、范希文皆嘗稱之，而朱子則以爲四書爲綱，此格爲條，初學不可一日不置案頭。蓋謂其剖別是非至明，而不明乎善，

槐軒入門三書

易知錄

二六

不誠乎身，由此可以入德耳。蓋嘗論之：人倫日用當爲之事，不可言功；修身立德以全天命，不可言效。然而下學之初，涵養未至，心性未馴，卽此書以求通，常返躬而修慝，亦切己之修也。特其名書之義，不免貽人口實，今僭爲更之曰易知錄，庶前賢誘掖初學之志益以彰明，而遵行此書者由致知而力行，更窮神而達化，以誠爲基，以敬爲本，以盡性知天爲極，務則將日見其過而不見其功矣。方今四子六經大義昭然，聖世甄陶，師儒備具，苟有志于聖賢，亦無難乎趨步而不免卑，近自甘者，志不立也。詩不云乎：周道如砥，君子所履。世多大賢，當不以斯言爲河漢也已。

道光辛卯良月雙流劉沅又序

槐軒入門三書

易知錄

二七

文昌帝君功過格

倫常第一

父母 祖父母、繼母，每善加一倍；庶母、伯叔父母每善同。
善條

晨昏定省，致敬盡養。一日一善。

代受一勞苦，命代俱准。

教一善必從。如謹身節用之類。

一事責怒順受。以上一善。

讚成一善。

解一怒，舒一憂。

順親心，不吝財物。以上三善。

槐軒入門三書

易知錄

二八

一大事勸親改過遷善。

守一義方訓。如修德勤學之類。

爲親補一過，代還一逋欠。

親所愛敬人，加意愛敬。以上十善。

親久病，小心侍奉獲痊。二十善。

見惡於親，能積誠感動。

顯親揚名。

喪葬誠信。內盡其心，外竭其力。以上五十善。

親於倫常有違，勸之和樂。

化親行仁成德。以上百善。

過條

淫蕩忘身，剛狠招禍，貽親憂。

阻善唆惡。

喪葬草率。

厚妻子，薄父母。

縱家人婦子逆親。以上二條事輕者減半論。

有親不孝，拜他人義父母。

惑於風水動親柩。當遷者不論。

久淹親柩。以上百過。

無故倒伐祖塋樹木。

暴親一短。

親病，不小心醫治。請醫不審，進食不調，湯藥不親。

槐軒入門三書

易知錄

二九

親有過不諫。

背一義方訓。以上五十過。

有疾不慎致親憂。

聽私言以成心待親。一事卽准。

責怒牴觸。以上三十過。

親所愛敬之人故薄之。

親年老舉動生一厭薄心。

親憂負債，子私貨財。以上二十過。

吝一財物違親心。

生一怨言。

對親一疾聲厲色。

親老令之任勞。

親老遠出。

遠出忘親。如不通音問、約期不歸之類。

一事欺親。以上十過。

書言不避祖父諱。

嘗新不薦先人。

父母忌日葷酒。

推諉一日供膳。以上五過。

貧不能養，遂不顧親。

不求成立致親憂。以上一日三過。

直言諫親，致親不悅。致彰親失者加二倍。

槐軒入門三書

易知錄

三〇

忘親疾。謂隱微舊疾。

先一飲食。以上一過。

行止出入不稟命。一次一過。

不以修德勤學慰親心。一日一過。

兄弟 異母兄弟每善加一倍，過同。

善條

一日敬兄愛弟，推逸任勞。

同一事不生異心。以上一善。

財物不論爾我。代完官錢、私債、公用車馬、衣服之

類。

一大事勸善止惡。

容忍一過，不聽婦僕讒言。以上十善。
獨任一大事。門戶差徭、嫁娶、喪葬之類。
分產讓多取少。以上五十善。
患難相扶。
兄弟破產者復與同居共爨。
獎勸兄弟成德。以上百善。

過條

鬪訟。

欺凌一幼弟。任其遊蕩，不使之成立者同論。
阻善讚惡。以上百過。

聽一讒啟釁。聽妻妾婢僕讒倍論。

槐軒入門三書

易知錄

三一

爭競。以上三十過。

求借一財物不應。十過。

抵觸兄長。語言不讓，責怒不受，一次五過。

貧常忌富，富不顧貧。一念二過。

不和睦。一日一過。

同事生一異心。一過。

私占財物。百錢二過。

見一過不勸。照自作例准。

藏一怒，宿一怨。一念一過。

妻妾

善條

閨範謹肅。閨範卽橫渠先生謂婦人有十三禁：一曰干預外事；二曰入寺燒香許願祈男；三曰無故聚飲，卽有事飲酒不得沈醉；四曰會諸姻黨同席熟談；五曰痛打奴婢及惡聲肆罵；六曰優遊歌曲；七曰侈蓄珠翠；八曰看龍舟、觀燈、觀會諸外場雜遛事；九曰與妯娌鬪勝；十曰分理是非；十一曰不親中饋；十二曰厭夫交友賓客；十三曰貪嗜肥甘也。

善御婢妾，不容抗正室。以上一日一善。

勸改一大過。忘身撒潑、忤逆殘刻之類。

不聽繼妻言凌辱前妻子女。以上十善。

勸化孝公姑和妯娌。五十善。

槐軒入門三書

易知錄

三二

化之行仁成德。百善。如勤儉孝敬、慈教周睦之類。

過條

棄妻。

寵妾薄妻。

四十外無子，受內製不納妾。

任婦人不孝公姑。以上百過。

因爭競驚父母。五十過。

縱虐一婢妾。三十過。

聽呼瞽目星士說命唱詞。二十過。

婦人善言諫勸，反加怒詈。

聽繼妻言，凌辱前妻子女。傷命加十倍。

聽婦女潛施僧道。以上十過。

閨範不謹。

不和睦。以上一日五過。

多置盛飾艷服以悅婦人。

遇當行事，受制於內不行。

因信讒致啟長舌。以上一次一過。

縱一惡事。照自作例准。

子侄 異姓者同論。

善條

垂一義方訓。一善。

擇得一明師良友。

槐軒入門三書

易知錄

三三

一、大事教道見從。有關名教之事，教之以道，必見其從，方是真教，方爲善教。

禁止一惡習。以上十善。惡習卽橫渠張子謂子弟十戒：一、逐淫朋隊伍；二、好鮮衣美食；三、馳馬試劍，鬪雞走狗；四、濫飲狂歌；五、早眠晏起；六、倚父兄勢，輕動打罵；七、喜行尖戳事；八、近暱婢子；九、氣質高傲，不循退讓；十、多讒言，習市語。嬰兒七約：一、撒嬌多啼；二、專食市物；三、動輒罵人；四、廣戴金珠；五、倨強不順；六、爭占飲食；七、捉害禽鳥也。

禁刻薄取利，夤緣功名。

導之敬祖睦族。以上三十善。

化之行仁成德。百善。

過條

不以義方立教，致成敗類。

酷虐一他人子。以上百過。

誤一他人子。不能因材施教。五十過。

教子弟占便宜。

棄一不才。謂因其愚魯狂悖而姑聽之也。

教打罵人。

縱一惡習。以上三十過。

偏愛憎一人。

開一不善事端。以上十過。

槐軒入門三書

易知錄

三四

恣意打罵，不從容訓戒。二過。

教誨一事不盡心。一過。

護一短。照自作例准。

宗親

善條

敬尊長，睦同輩，貴賤平等。一日一善。

貧乏求借，不吝。二百錢一善。

周給貧乏。百錢一善。

修一族譜。十善。

結親擇一賢良，不計勢利。

代辦一嫁娶喪葬。以上三十善。

教一孤兒使之成立。

建一祠，歲時團聚宗族。

立義田、義屋，養活一人。以上五十善。

收養一老幼殘疾。

本族絕支，立一嗣，不利其產。

娶一殘疾女，謂原聘者。以上百善。

過條

本族絕支，利其產，不爲立嗣。

嫌貧弱，改嫁毀姻。

一急難可救不救。以上百過。

薄本族，妄認一同宗。五十過。

槐軒入門三書

易知錄

三五

以財勢傲一貧賤宗親。

婚嫁惟計勢利。以上三十過。

貧病無依者，能顧不顧。二十過。

貧之求借，不應。

抵觸一尊長。以上十過。

乖一尊卑次。一過。

師友

善條

敬師遵教訓。

尊一前輩，親一賢友。一日一善。

通有無。二百錢一善。

淫朋招飲、遊戲，不從。

弔慰誠敬。如變服致哀、謹禮擇言之類。

踐一約。以上一善。

以德行文章相勸勉。一次一善。

朋友有過，忠告善道。

不忘一父執。如饋遺、候問之類。

不背一嚴師。以上十善。

不忘死友，不負貧賤交。三十善。

不負一託妻寄子。五十善。

嫁娶一故人子女。

救一急難。以上百善。

槐軒入門三書

易知錄

三六

過條

一急難可救不救。百過。

負一妻子託。

背一明師。如生無饋送、死絕通問之類。

假義氣陷人。

負一死友、一貧賤交。以上五十過。

交朋不擇賢良，但慕勢利。

輕棄一賢友。

輕棄一父執。以上二十過。

訛謗師長。

戲侮老成。以上十過。

隨一淫朋遊戲。三過。

慢師。如問答不恭、禮節失時之類。

厭一貧賤友。如辭色傲慢、舉動輕褻之類。

疏慢一畏友。

謔一友妻子。

有無不相通。以上二過。

同業不敬所事。一日一過。

知過不告。照自作例准。

爽一約。

失一弔慰。以上一過。

違師友教訓。照事例准。

槐軒入門三書

易知錄

三七

規過無術致友疏。一次一過。

僕婢

善條

赦一小過。一善。

平心勸諭一事，見從。二善。

遇一病盡心醫治，獲痊。

配一男女及時。以上十善。

禁一豪僕。二十善。

白還人一男女。原值百錢一善。

善遣一婢妾，慎爲擇配。三十善。

資發婢妾嫁奩。百錢一善。

化一人忠信慈仁。百善。

過條

錮一奴婢不嫁娶。

殘一奴婢肢體。

賣婢得重價，致配非人。

賣一婢爲娼。掠賣遠方同。以上百過。

遇一病不盡心醫治。五十過。致死者倍論。

縱一惡僕。三十過。

配一男女不及時。老少不均者倍論。二十過。

用一次酷刑。

幽繫奴婢一日。

槐軒入門三書

易知錄

三八

虐使一事。彼所不能者。

縱無禮於尊長。以上五過。

冤責。一次三過。

無故毒罵。一次一過。

縱僕婢衣服過制。

衣食不周，勞苦不恤。以上一日一過。

敬慎第二

存心

善條

惡念起卽掃除。

常求放心。

誦經書不起雜念，心解力行。以上一善。

一日謹凜幽獨。三善。

時時存誠，一切妄念不生。十善。

寡思息夢，心常惺惺。一月百善。

過條

一日常存機心惡念。二十過。

一日心常昏惰。

聞人失利名，生歡喜心。

暗舉惡意害人。以上五過。

誦經書起一邪念。

聞人善不生信心。以上二過。

槐軒入門三書

易知錄

三九

展轉一淫念。

蓄一妒念、嗔念及諸妄念。

誦經書雜念不除。以上滿一時者一過。

應事

善條

一日守分循理，臨事敬慎。一善。

作事刻期不遷延時日。

處一事惟知爲眾。以上二善。

聞一過卽改。

見一善卽誠敬遵行。本善外另加。以上三善。

不附人財勢。

處一事公直。以上五善。

不苟且求一名位。

讓一善，任一過。以上十善。

當大事能損己益人。百善。

過條

假行竊名，惑遠近。

當大事損人益己。以上百過。

受恩得報不報。五十過。

假公行私。

存成心待人。如人已改過，我猶逆億也。

炎涼。

槐軒入門三書

易知錄

苟且一名位。

處一事不公直。

任功諉過。

竭盡一人情誼。以上十過。

知過故犯。本過外另加。

窺一人私書。

酣飲嬉笑於有喪之家。

私事干求官長。以上三過。

見一善不行。

爲一善不終。

處眾惟知爲己。

臨人正經事不敬。以上二過。
作事不如期。一日一過。

慎言

善條

發一至德言。

出一方便語。

說果報勸人。

揚人一善。以上一善。

與人言不欺一字。一日三善。

闡說道理，啟問不倦。

爲人詳辨一古今疑蹟訛字。以上三善。

槐軒入門三書

易知錄

四一

辨雪一人大冤。五十善。

白一人誣迹。十善。

闡發一部濟眾經書。百善。

過條

誣壞一人清德。

造謗誣陷一人。以上百過。

摘發一人陰私。

誹謗聖賢。

發一閨壺。以上五十過。

兩舌離間人。三十過。

傳述一傷風敗化事。

變一是非。

捨聖賢經傳，譚異端言。以上二十過。

出一損德之言。

評一女色。

惡口犯一貧賤交。以上十過。

造一人譚名歌謠。有關人行止者。

播一人惡。以上五過。

出一不利人語。

冷語刺人。

背後詆毀人。

譏時政。

槐軒入門三書

易知錄

四二

嘲笑人體相不具。

戲謔傷人。以上三過。

僞諛一人。

輕諾誤人。

揚人一短。

捏一誑語。妄傳謠言同。

談一淫賭趣。

竟日多浮浪語。以上一過。

事神聖

善條

事神明祖先，齋戒至誠。

祈禳止許善願。以上一善。

修理損壞寺觀，裝飾剝落神像。百錢一善。
過條

褻瀆祖先神靈。百過。

侵占一庵觀屋宇。五十過。

戲謔神聖。三十過。

指神明證一鄙猥事。十過。

祀禮失時。

呵風雨，褻三光。

攜葷酒入聖殿。

縱婦入廟。

槐軒入門三書

易知錄

四三

對北惡罵及涕溺。

汙穢井竈。

祈禱不誠。

祀時不敬。

夜起裸露。

朔旦號怒及行刑。以上一過。

毀壞供器。百錢二過。

不信神明果報。一念一過。

節忍第三

氣性

善條

一日敬老慈幼，謙和接物。

論一事不執己見，以上一善。

納一逆耳言。

容人一過。

忍一勞。

平一怒。

解一怨恨。

受一謗不辨，以上三善。

遇橫逆自反，五善。

遇失意事不怨天尤人。

遇一仇不報，謂可不必報者。

槐軒入門三書

易知錄

四四

大事難忍能忍，以上十善。

火性不生，在在歡喜感化，一日十善。

過條

強獷難觸，人所畏忌，百過。

慣習鬪爭，三十過。

報一怨過分，十過。

遇失意怨尤不止。

逞一小忿。

怒一逆耳言。

苛責一人事，以上五過。

論一事偏執己見。

傲睨一貧交。以上三過。

喜諛。

好矜誇。

遷怒一人。

醉犯一人。如喧鬧、戲狎之類。

聞一謗悻悻欲辨。以上一過。

衣食

善條

一日安粗糲，不虛度衣食。

拾遺粒。以上一善。

禁屠時持素。一日二善。

槐軒入門三書

易知錄

四五

一月安淡惜福。十善。

過條

厭棄惡衣食。

縱酒及亂。如喪德失儀之類。以上十過。

無故翦裁。

禁屠私買生物。

服一非法服。以上五過。

生日宴樂無度。

強索人酒食。

無故白晝謀飲。

狼藉五穀。以上一過。不特本身散棄，凡婢僕傾潑、小

兒踐踏，及在田拋棄不收，在場掃除不淨，俱家長記過。

財貨

善條

分財公平。

借貸能如期還。

與人財不遲時日。

不吝器物，借人濟急。以上一善。

不負人寄託。

不取非義財。

還遺。

槐軒入門三書

易知錄

四六

代還官錢私欠。

饒免貧戶租、欠。二事。

荒年平糶。

假銀入手，棄不使行。

讓利讓產。以上百錢一善。

放債出當，濟人急不計利。二百錢一善。

不逼取貧債。十善。

放債還遺，全人身家。百善。

過條

造低銀、假銀。

蕩廢祖父產業。

重利逼取貧債。以上百過。

交易田宅不清割。五十過。

圖買一產。三十過。

刻薄利己。

誘人賭博。以上十過。

設阱詐騙。

以勢及倚勢白占。

乘難覬取。以上百錢二十過。

荒年囤米待高價。僅足自贍不論。

強索巧取。二事。

負人寄託。

槐軒入門三書

易知錄

四七

負貸。以上百錢十過。

賤價強買人貨物。虧及百錢。

匿遺。

用低銀。以上百錢五過。假銀倍論。

斗秤出入不平。五過。

受不義財。

侈用人財物。

損人一器物。

無益糜費。

暴棄天物。以上百錢一過。

當與故遲一日。

不問取人一針、一草。以上一過。

美色

善條

見一美色不留盼。一善。

居家能節慾。

完一女婢。

當可染竟不染。

拒一私奔女子。三百善。

過條

淫一室女、節婦、尼僧。三百過。

謀占人妻女。

槐軒入門三書

易知錄

四八

淫一良家婦。

壞一女婢。以上百過。

蓄一戲妓、俊僕在家。

奸一原失節婦。以上五十過。

宿一娼。三十過。

調戲一美色。二十過。

起心私一美色。十過。

遇一美色留盼。十過。

仁愛第四

人類

善條

收養無依一人。

濟一人飢。

濟凍人煖室一宵。

施一暗夜路燈。

借一人雨具。

施藥一服。

指人津途。

救接一人力乏。

不沈滯一人書信。以上一善。

賑貧苦。

贖男女還人。

槐軒入門三書

易知錄

施薑茶。

修造路橋，疏河掘井。涼亭渡船同。

助人嫁娶。

置義塚。

施襖被。以上百錢一善。

凶年施粥。

疫癘施藥。

歲終爲人贖罪。以上百錢一善。

途遇病人，設法調養。一次一善。

留無歸人一宿。二善。

盡心謀人一事。

療人一輕疾。以上三善。

掩一暴露棺，埋一白骨。

傳一人經驗秘方。以上五善。

傳一人保益身命事。

病難人求借，不吝。

一小事爲眾出力。以上十善。

救墮一胎。

救一輕刑。無辜者。以上二十善。

救一人重疾。

施棺木一具。

施地葬一人。

槐軒入門三書

易知錄

見人侵凌孤寡，竭力保護。

除一人害。

伸一人冤屈。以上三十善。

救一人危難流離。

救一溺嬰。

完聚一人骨肉。

救一賤爲良。

救一人軍徒重罪。

葬一無主柩。

救一人命。

延續一嗣。

收養一無主棄孩。

伸一人大冤。

曲全一婦女節。

完聚一家骨肉。

地方大事，出言造福，出力任勞。

興建一大利，以上百善。

過條

致一人死，三百過。

設阱陷害一人，造謀不成者減半論。

謀成一人軍刑，本非其罪。

溺殺一嬰，以上百過。

槐軒入門三書

易知錄

五一

絕一人嗣，三百過。

致一良爲賤。

壞一人陰地。

發一人屍，以上二百過。

醫家計利誤一人命。

合一毒藥。

見一人死，可救不救。

讚助人溺一嬰，知而不阻止者同。

致人墮一胎。

欺凌一孤寡，宗親倍論。

乘危下石排擠人。

以私怨傾一人家業。

致一流離。

破一人婚姻。

嫁禍一人。

平人一冢。以上百過。

掘地遇人骸骨，拋棄不顧。

學一厭咒邪法。以上五十過。

踐踏人禾稼。

損壞一義井、橋渡。

技術不精，盡惑害人。風水家加倍。

見人欺孤寡，可護不護。

槐軒入門三書

易知錄

五二

見人冤得白不白。以上三十過。

疑病妄藥。

傳人一假方。妄傳者減半。

遇一難可救不救。以上二十過。

秘一經驗方。

醫家治病不用心。遲慢不急救同。

侮弄一老幼殘疾人。

侵一貧弱。

幸災樂禍。

阻截一日通衢、橋渡。以上十過。

城市中馳馬。五過。

責一不應責人。

謀成一人輕刑。徒杖以下。三十過。

欺一無識。

強役一人力。

故辱一乞丐。

沈滯一人書信。

爲人謀一事不忠。

恐嚇人。以上三過。

施濟後悔。

窮乏哀告不應。

故犯一人忌諱。以上三過。

槐軒入門三書

易知錄

五三

物類

善條

救一無力報人畜命。如山禽、野獸、魚蛇等物。

救細微百命。如蝦、螺、蟲、蟻等物。

葬一自死禽獸。有力報人者加一倍。

救畜力疲乏一時。以上一善。

買放生命。百錢一善。

見殺、聞殺、爲己殺不食。二善。

戒食牛犬。一月五善。前此原食者。

節殺生。一年二十善。

救一有力報人畜命。三十善。騾、馬、牛、犬等物。

戒殺生。一年五十善。

倡放生。百善。

過條

倡殺、阻人放生，百過。

私烹牛、犬。

殺一有力報人畜。讚助同。

偷殺畜物。以上五十過。

非法烹炮生物，使受極苦。

填覆一巢穴。以上十過。

無故殺一無力報人畜。

無故發蟄驚棲。以上三過。

槐軒入門三書

易知錄

五四

殺細微十命。入藥者減半。

不憐畜疲頓。以上二過。

蓄一殺眾生具。

籠戲禽畜。以上一日一過。

勸化第五

善類

善條

勸人爲一切善。較自爲者減半論。

讚助人一切善。較勸人者減半論。

勸人出財作福。二百錢一善，福如濟人利物等類。

施一善書。一善。

成人一美事。百錢一善。

成一人家業。

感化人一家好善。

薦引一有德人。

建義學教誨一人。

表揚一人隱德。以上三十善。

得一善人交修共化。一年無間百善。

倡一善，利濟一方。百善。

過條

排擯一有德人。

阻人施濟。以上百過。

槐軒入門三書

易知錄

五五

毀壞一人戒行。如戒淫戒賭之類。

毀人成功。以上五十過。

止人一善。

見一善能舉不舉。以上二十過。

爲私不贊成人善。

菲薄人不屑教。以上五過。

沒人一長。三過。

惡類

善條

勸人改一過。照過記善。

勸止播人一惡。

揜人一惡。

解人一憂。

息人一鬪。以上三善。

解釋一人怨恨。五善。

止人侵毀一賢善。

息一人訟。關風化者倍論。

止人揚一隱惡。談一閨壺。以上十善。

阻人一非爲。

解免陰謀下石。以上三十善。

勸人勿溺一子女。

勸一爲非者改行。

槐軒入門三書

易知錄

五六

調停一人內外骨肉。

勸人改一惡業。屠獵開場、誣狀之類。以上五十善。

化轉一人至仁孝。百善。

過條

教人作一切惡。較自作加一倍。

讚助人一切惡。照自作例准。

見人非爲。可勸不勸。較自作減半。

唆寡婦適人。因之取利。百過。

送子弟爲僧道。

引誘一蕩子。

離間一人骨肉。

以幼男寄拜一僧道。

女無禮於夫父母，復護其非。

唆一人訟。

薦引一匪人。庸醫、地師倍論。

傳人一惡術、邪法。以上五十過。

讚助一人訟。三十過。

親一惡人。

唆一人鬪。以上二十過。致死及關係倫理者百過。

增一人憂恐。

附和一人怨忿。

見人訟，可勸不勸。以上五過。

槐軒入門三書

易知錄

五七

當眾斥一人過失。三過。

見人失誤，不與明言。

見人憂，聞人訴怨，不解勸。以上一過。

文學第六

著述

善條

作字端楷。一日一善。

拾遺字一千。殘器之上有字，人多忽略。

穢中拾一字紙，洗浴焚化。以上一善。

燒燬一卷邪書、淫書。十善。

編輯一卷濟世善書。

正一文體。以上三十善。

作文傳一善行，揚一隱德。五十善。

著撰一卷濟世善書。

闡明一卷經書，刊刻行世。以上百善。

過條

無識毀議經書。五十過。

編輯一淫書、邪書。百過。

代寫一離書。

翻刻一淫書、邪書。以上五十過。

毀壞一卷經書。二十過。

污穢經書。

槐軒入門三書

易知錄

五八

戲謔經書。以上十過。

右功過格人畏其難，且議其迂矣。昔周濂溪語二程曰：正初學入德之門。朱子曰：四書爲理，此格爲條，初學不可一日不置諸案頭。邵子曰：可以扶翼經傳。楊龜山曰：指點善惡，歷歷醒人，讀之如聞清夜鍾。他如範文正、韓魏公、蘇文忠、趙清獻，以至袁了凡等諸先生所奉行，勿斲者也。夫理學、政事、文章，至數公盛矣，猶必奉此以兢兢，難耶？迂耶？閱者幸諒可也。

一、遵行是格者，於功過若干，但記其數，不必錄其事。每夜焚香，將格條細讀一遍，靜思一日所爲功幾件，過幾件，或引例以功折過，照數默禱，逐一登記，不得詳功略過。每月朔焚香告天，歲終又總記一年功過，槐軒入門三書

易知錄

五九

如前奉行之。

二、功貴勤修，過貴勇克。若日日有功，積至一月無一過相閒，卽於本等功外加記十功，貴純善也。若半月無功可記，或有過未除，卽於本等過外加記十過，戒惰窳也。

三、格中所載纖悉必較，人未嘗不疑爲瑣屑，不知此正聖賢謹小慎微之道也。書曰：不矜細行，終累大德。易曰：小人以小善爲無益而弗爲也，以小惡爲無傷而弗去也，故惡積而不可掩，罪大而不可解。禮記於人一舉一動皆有矩度。古人教人謹小慎微，多是如此。

四、艱行是格者，每以無善可錄爲辭，不知人特不自警耳。果能實心爲善，則凡身之所接，目之所見，耳之所聞，口之所言，無非造福之處，更有行一善事而不費財、不費力者，人何可以自諉乎？

五、未行是格者，有日日易犯之過而不自知。今既奉行此格，須將格內過條逐一細檢，靜念平日所爲，有明知而故犯者，有不知而誤犯者，有以小過爲無傷，以致日積而日多者，有以小惡爲可忍，以致愈溺而愈下者，有存心改悔，而臨事復蹈熟徑者，有加意矜持，而念處猶未銷忘者，如是等類，卽宜另摘各條，書貼左右，視之如猛虎毒蛇，誓不復與爲緣，自然無過。

槐軒入門三書

易知錄

六〇

可記也。

六、行是格要先期於無過，故善不必詳，過不得略，方是聖賢克己之學。

七、行是格務期堅永。古人云：爲善未必獲報，然理無不可爲之善；爲惡未必獲報，然理無可爲之惡。如此方是純心。

八、凡一切極惡大罪及孝子居喪守制，因律與家禮載之甚詳，格中不贅。

九、行是格宜廣爲流傳，俾人人遵行，方合聖人同善之旨。古人云：我見人爲善，便手舞足蹈。我見人爲不善，便痛心疾首。此正聖賢成己成物分量。是編出，望

同志者極力勸行，多方開導。

十、功過有不可折者，如用財之百功，不能折致死之百過，塞責之十功，不能折一次之十過也。

十一、功過有增有減，如合數條而後成一事，即總各條之功過記之。如因一事而連及親疏，則量功過之大小別之，閱者臨事酌奪可也。又如行一善而複用己財，則於本善外仍照百錢記善。過仿此。

十二、功過自有是非。如求借不吝則爲功，若借與嫖賭則爲過。破人婚爲過，若審於理不應婚則爲功。餘可類推。

十三、功有難易。易者照本條記功，惟難者而不辭勞

槐軒入門三書

易知錄

六一

瘁，委曲周旋，則於本功外一日另記一功，以示勸也。

十四、功有真假。如伸人冤而得財，遇美色勢不能就而不染，及貧士不用好衣食之類；又如免債一節，有年久利多度不能還而免者，或已經告官致累貧民而免者，皆不得記功。他若取不義財而施捨，知有罪人而救護，事端非一，未能縷指也。

十五、百錢一功，謂千金以上者。若貧士，五十錢，極貧士，二十錢，亦作一功。百錢一過，謂貧士如此。若富者，五十錢，大富者，一二十錢，亦作一過。

十六、他本以義田贍族之類，必費一兩始爲一功，則移賑外人且十功矣。不將誘人樂濟外人而置親族

乎。今皆作百錢一功，庶知當務之急。
十七格內有不必拘定門類而義可相通者，閱者因
此悟彼可也。

槐軒入門三書

易知錄

六二

盤
好
皿

无弦琴 



扫一扫上面的二维码图案，加我微信

槐軒入門三書

槐軒入門條戒

六三

親愛的朋友，

如發現有任何不足之處，或需要補充的地方，請聯繫我，謝謝。